

DECRETO DE ALCALDÍA

ASUNTO: aprobación das bases do Concurso de Entroido 2024

Vistos o informe técnico e a proposta de bases do Concurso de entroido do presente ano, que literalmente se transcriben:

BASES DO CONCURSO DE ENTROIDO 2024. CONCELLO DE ROIS

O Concello de Rois convoca un Concurso de disfraces que se celebrará neste municipio o sábado 10 de febreiro e que se rexerá polas seguintes

BASES

Primeira.

É obrigatoria a inscrición previa do conxunto de participantes nas categorías recollidas nestas bases, cubrindo o formulario que se atopa na páxina web www.rois.gal. O prazo de inscrición é do **mércres 24 de xaneiro ata o mércores 7 de febreiro, ámbolos dous incluídos.**

No caso das comparsas, nas inscricións, cada unha ten que nomear unha persoa representante, sinalando nome completo, NIF e teléfono de contacto de quen ha de asinar a solicitude e un compromiso de responsabilidade, así como entregar o certificado do número de conta bancaria e calquera outra documentación administrativa que se lle requira.

Segunda.

No propio día da celebración, a organización entregaralles a todas as persoas participantes o número de dorsal, que terá que ser colocado nun lugar visible. Ese número corresponderase co da orde do desfile.

Terceira.

Haberá cinco modalidades xerais para participar neste concurso: infantil individual ata 12 anos, individual de 12 anos ou máis, parella/trío, comparsa/grupo de 4 a 12

membros e comparsa/grupo de 13 ou máis membros.

No caso da modalidade de comparsa de 4 a 12 persoas, crearanse dúas categorías: categoría infantil, onde as persoas participantes sexan exclusivamente menores de 12 anos; categoría xeral, que abarca ao resto das situacións.

Inclúense nestas bases a modalidade específica de Espírito entroideiro para os postos das asociacións municipais que participan no evento.

Cuarta.

As/os menores de idade deberán estar acompañadas/os dunha persoa adulta durante todo o evento.

Quinta.

As medidas das carrozas non poden superar as medidas do acceso ao polideportivo de Rois (1,60 metros de ancho x 2,00 metros de alto).

Sexta.

Estableceranse os seguintes premios por modalidades xerais:

Infantil individual ata 12 anos	Individual maior de 12 anos ou máis	Parella/Trío	Comparsa xeral de 4 a 12 membros	Comparsa de 13 ou máis membros
1º. 30€ 2º. 25€ 3º. 20€ 4º. Agasallo 5º. Agasallo 6º. Agasallo	1º. 40€ 2º. 35€ 3º. 30€	1º. 60€ 2º. 40€ 3º. 30€	1º. 300€ 2º. 150€ Comparsa infantil de 4 a 12 membros	1º. 400€ 2º. 200€ 3º. 150€
			1º. 200€ 2º. 100€	

A modalidade específica de Espírito entroideiro constará de 3 premios.

As persoas gañadoras/as dos distintos premios en metálico achegarán nos 5 días hábiles seguintes un certificado de numero de conta onde se lle ingresará posteriormente o importe do premio acadado.

Sétima.

O xurado estará formado por un mínimo de 3 e un máximo de 5 persoas, nomeadas polo Concello formada por persoas vinculadas ao mundo da cultura, artes, medios de comunicación, hostalaría ou participación cidadá.

A resolución do concurso realizarase baixo os principios de transparencia, igualdade,

non discriminación e obxectividade. Valoraranse aspectos como a orixinalidade dos disfraces, a reciclaxe e coidado do medio ambiente, a creatividade, a imaxinación e a posta en escena durante o desfile.

No caso da modalidade do Espírito entroidero os criterios a valorar tamén se refiren á calidade na decoración, nos produtos gastronómicos, na ambientación global do posto e na escenificación/caracterización das persoas da asociación en consoancia co posto.

O fallo reflexarase nunha acta levantada para os efectos á que se lle dará publicidade no taboleiro de anuncios do edificio multiúsos de Rois.

A resolución será inapelable e os premios poderán declararse desertos se o xurado o estima oportuno.

Oitava.

Todas e todos os participantes das categorías de comparsa/grupo, deben estar o sábado 10 de febreiro ás 16.30h diante do Concello de Rois para recoller e colocar o seu dorsal e a continuación, desfilar ata o polideportivo de Rois. O resto das categorías participantes tamén poderán participar no desfile. No caso de choiva suspenderase o desfile, decisión que se anunciará na páxina web municipal con suficiente antelación e se notificará por correo electrónico ás inscricións realizadas. A actuación no polideportivo de Rois non poderá exceder de 10 minutos de duración, o contrario poderá supor penalización.

Novena.

Os disfraces que recibiran algún premio no ano anterior non poderán ser premiados.

Décima.

O Concello de Rois non se fai responsable dos danos morais ou materiais que, a si mesmos ou a terceiros, ocasionen as e os participantes deste desfile e concurso do entroido 2024.

Undécima.

A participación neste evento supón a autorización ao Concello de Rois a publicar na páxina web e redes sociais da súa titularidade e nos medios de comunicación o nome e apelidos dos/as concursantes e premiados/as, así como a á publicación de fotografías propias, sempre que o seu uso garde relación con este concurso. A organización pode facer uso da imaxe de todos os/as participantes en calquera formato, sa sexa gráfico ou dixital, e en todas as súas formas (vídeo, foto, DVD, internet, carteis, medios de comunicación, etc.). Todos os dereitos de imaxe pertencen ao Concello de Rois, como organizador do evento

Duodécima.

A participación neste concurso implica a aceptación plena destas bases. Queda en mans do xurado ditaminar calquera aspecto non previsto nestas.

RESOLVO,

PRIMEIRO.- Aprobar as Bases do Concurso de Concurso de Entroido 2024.

SEGUNDO.- Comuníquese para o seu coñecemento a efectos da presente Resolución á Tesourería e Intervención municipal e á Concellería de Cultura.

Documento asinado electronicamente

Alcalde

Secretario

Ramón Tojo Lens

Diego Losada Romero